

不能長生者亦不能衝關故藥必復敗而同凡夫
關竅初通而不能升三關聚者而或倏退散是危險

聚由神以主之或不精誠勇猛以一箭透三關一怠緩則火
即退散正當行而不能同行者

三關過矣而危險在鵲橋

鵲橋本無路可通借橋以通行鵲者似喻南離心神之朱雀
義也全憑心神領烝渡過此處故喻鵲橋渡之少有不合仙
機則有危險矣

鵲橋渡矣而危險在服食歸黃庭步步向竿頭進一步無著腳
處虛空著一腳大有危險者

道藏輯要

仙佛合宗語錄

三

川三

畢集一

重陽真人云尖竿尖上細搜尋

鍊陽神而微陰未絕神胎就而魔障百出大有危險者神無出
景而妄出固爲危險有出景至而不能出其當出亦不能無危
險及乎出定而入定危險之最甚者豈能盡言耶如是諸多危
險俱能究竟勘盡無餘過得去了僅僅超脫得一個生死輪迴
實證長生不死方爲有分與道相應向後證到虛空始無危險
所謂萬般有壞虛空不壞是也

十問曰何爲沐浴何名沐浴答曰沐浴者煉精煉炁之要法火
候之祕機機之祕法之要故不能直言以輕洩而託喻爲沐浴
也

沐浴者本卯酉二位所寓生死之說也時當卯酉乃借以喻之而詳于下文世尊行神說法之時亦以沐浴爲喻可見仙佛宜有相合同之要法也在小周天時又名曰陰符乃不行有數之火而用無數以合于有數者所以玉皇玉訣云陰者暗也符者合也究合天地之機操運長生之體故曰陰符在大周天者又曰焚身三昧火

喻意云何夫五行在世道中別有所論生死之理卽長生一沐浴二冠帶三臨官四帝旺五衰六病七死八墓九絕十胎十一養十二者之十二位是也

此屬子丑寅等十二支辰位者其說曰火生在寅金生在巳水土二者生在申木生在亥五行干支之陽者卽生于此四位陽之死位卽五行陰干支之生位陰之死位卽陽之生位亦似喻彼處死而我此處生死于此而卽生于彼處之義聖真以人生死大事之機在沐浴法故借以爲喻也

生必有死死處則生

言天地陰陽之與人同未有生而不死未有死而不生者也仙家以煉丹之法比之謂其所云火之長生在寅第二之沐浴在卯位故借卯位沐浴之名而稱卯時所當用之機以陰符其火候者也又云水之長生在申第二之沐浴在酉位故借酉位沐浴之名而喻酉時所當用之機亦陰符其火候者也

此正見陰符卽是沐浴而黃帝驪山老姥李筌等陰符之說皆大明矣

卯酉在四正之位內

卯在正東西在正西子在正北午在正南人藥鏡亦云四正而金木二行甯無長生沐浴之理在子午乎

如金之長生在巳則沐浴在午位木之長生在亥則沐浴在子位也

故崔真人入藥鏡云看四正是也

崔真人洩萬古不洩之機于三字 王重陽真人云子午沖和連卯酉春夏秋冬夏相攜 達摩所云一時用六候二候採

道藏輯要

仙佛合宗語錄

三五

川

畢集一

摩尼四候別有妙用卽此之言是也

又問曰人皆言卯酉沐浴不行火候今乃謂之要法謂之祕機得無有火候而與眾言相違乎

世人皆執言不行火是全無火候由不遇仙傳故不知古云不行火候所以然之理俱是初學凡夫者之知見所聞者曰不行所見者曰不行及巳之對人言亦曰不行流結妄局絕無一人直信有法有機唯伍子獨言法言機于是彼皆學世法口談者竟不知眾言或是或非伍子抑非抑是莫不以相違而相疑殊不知真仙之言已有可考證處

答曰聖真言此四時之火以不行有數之候者爲候也此隱言